

《華嚴經普賢行願品》 補充講表

◎附表二十二：

○我為遍淨普賢行，文殊師利諸大願：隨彼一切常修學。（糅合《普賢行願品親聞記》）
二聖表法，別說：文殊，表由解發願；普賢，表依解起行。合說：則文殊表智，普賢表理，理智一如。未有理外之智，亦無智外之理，皆一體故。又雙表理智一相，行願相扶。故云：具足文殊智者，必有普賢行；具普賢行者，必有文殊智。謂我普賢為遍淨普賢大行，文殊大願故，為圓滿文殊普賢事業故，盡未來劫修行，而不厭倦。修行行門無量，故獲得功德無量。安住普賢行中，又安住文殊智中，故能了達一切智慧。文殊智勇猛，普賢行亦勇猛，故我迴向諸善根，迴向到文殊普賢分上，隨順文殊普賢，而修學也。

○願我臨欲命終時，盡除一切諸障礙：即得往生安樂剎。（糅合《普賢行願品輯要疏》）
首句「願我」，改「是人」，則彌顯矣。不生華藏，願生極樂，有四意：一、有緣故，二、

使眾生心歸一處故，三、不離華藏故，四、彌陀即本師故。

○盡除一切諸障礙（糅合《普賢行願品親聞記》）

念佛求生淨土，有障礙則不得生。如惑障、業障、報障，皆障礙也。凡死於非命，或八苦交煎，皆恐怖萬狀，即是報障。縱無報障，而有業障，亦不能生淨土。業即惡業，或未完事業，致命終時心有罣礙，故曰業障。或有惑障，不明事理，正念不現前，故皆不生淨土。

《西方發願文》云：「至於臨欲命終，預知時至，身無一切病苦厄難，心無一切貪戀迷惑。」
《小淨土文》云：「一心皈命，極樂世界，阿彌陀佛。願以淨光照我，慈誓攝我。：：若臨

命終，自知時至，身無病苦，心不貪戀，意不顛倒，如入禪定。」

○若人於此勝願王，一經於耳能生信：：獲勝功德過於彼。（糅合《普賢行願品親聞記》）

上來眾寶之供，固大；設若有人，聞此願王，能生信心、渴仰心，用求菩提，所獲功德，勝過以眾寶經剎塵劫供養如來，並施天人之功德。：：依此經所言，此單約布施一行。校量

聞經功德，則我等今日講說聽聞此經功德，豈非無量無邊！然有揀別處，聞經有獲大功德者，有獲小功德者，甚至無有功德，且招罪愆者。以有等眾生聞經，不惟不信，而又疑惑輕慢生謗者，故無功德而有罪過。是故聞經須具三慧。具聞慧者，聞經則身心踴躍歡喜，忘卻身心世界；以能解其所不解，故生歡喜也。已具聞慧，則應起思慧。學而不思則罔，舉一隅不以三隅反，則不復也。三隅者，舉一聞慧以推思修，或舉一施以推萬行，能推即是具有思慧。具思慧，復應起理事二行，以解而不行，仍易打失故。理事二行，即真俗二諦行也。若具足三慧，當來必得成佛。渴仰者，心有一分渴仰，即得一分功德。有十分渴仰，即得十分功德。大家聞而能解，務必要修二行，以求菩提。

○即常遠離惡知識，永離一切諸惡道；具此普賢最勝願。（糅合《普賢行願品親聞記》）

遠離有二義：一者、善惡相違，猶冰炭不同爐。又者，誦普賢行願品，智慧深故，知如幻如化，在塵不染，即是遠離惡知識，反假惡知識為善法增上緣。

「速見如來無量光」者，誦普賢行願品人，功行深淺不等，故有生化土者，見化身彌陀。有生報土者，見報身彌陀。有證寂光土者，見法身，即是見自他不二之法性佛。末句具普賢願，即圓滿因當得圓滿果矣。

○此人善得勝壽命，此人善來人中生：如彼普賢菩薩行。（糅合《普賢行願品親聞記》）
等流果者，如是因，如是果。因果相等，同一流類也。最勝壽命，是法身。誦《普賢行願品》，得證清淨妙法身。法身無始無終，即或不得法身，如西方人天凡夫，亦是無量壽。又以修普賢行願，不虛度時，故名善得勝壽命。善來人中生者，謂此人不空來人中一遭也。不久成就普賢菩薩行，皆等流果也。

○族姓種類及容色，相好智慧咸圓滿。（糅合《普賢行願品親聞記》）
如佛生望族，是族姓圓滿。生王種，是種類圓滿。佛下生成佛，即是生於望族王種。佛身有紫摩金色，即容色圓滿；有三十二相、八十種好，即相好圓滿；佛為一切智慧人，即智

慧圓滿，皆得力於普賢行願也。

○諸魔外道不能摧，堪為三界所應供。（糝合《普賢行願品親聞記》）

士約人，用約作用。好作用故得好果報，如種田者，得收穫果報。修行者，得降魔乃至成佛果報。誦普賢行願品菩薩，是降魔之人。一切魔王、外道所不能摧，果上堪受三界之供養也。

○速詣菩提大樹王，坐已降伏諸魔眾：普利一切諸含識。（糝合《普賢行願品親聞記》）

此別頌究竟果，究竟果即成佛果也。「速詣」者，謂誦《普賢行願品》人，成佛極速也。

○若人誦此普賢願，我說少分之善根：成就眾生清淨願。（糝合《普賢行願品親聞記》）

我今說其少分：一念所修功德善根，能令一切功德善法，悉皆圓滿；能令一切眾生出世清淨願，悉皆成熟。

○爾時，世尊與諸聖者菩薩：解脫境界勝法門時。（糝合《普賢行願品親聞記》）

「不可思議解脫境界勝法門」，即指所說法。菩薩說法，云佛說法者。佛攬三世間為一身故，菩薩說，即是佛說。又者，有佛在場作證，菩薩說，即佛說故。

○聞佛所說，皆大歡喜，信受奉行。（糅合《普賢行願品親聞記》）
前來四類菩薩，及聲聞、雜類等眾，「聞佛所說，皆大歡喜，信受奉行。」「聞」即聞慧，故有皆大歡喜之相。「信受」即思慧。「奉行」即修慧。皆願在會大眾，亦聞佛所說，「皆大歡喜，信受奉行。」方不負佛恩，亦不負己靈矣。

○十大願王，導歸極樂：寄語參玄學語流，休將向上閒穿鑿。

一、「又復是人，臨命終時，：如是一切，無復相隨。唯此願王，不相捨離，於一切時，引導其前，一剎那中，即得往生極樂世界。」

二、「是諸人等，於一念中，所有行願皆得成就；所獲福聚，無量無邊；能於煩惱大苦海中，拔濟眾生，令其出離，皆得往生阿彌陀佛極樂世界。」

三、「願我臨欲命終時，盡除一切諸障礙，面見彼佛阿彌陀，即得往生安樂剎。」

四、「我此普賢殊勝行，無邊勝福皆迴向，普願沈溺諸眾生，速往無量光佛剎。」

※牢關：華嚴關鍵，修行樞機。「以普賢行悟菩提。」

※和盤直拓：和盤托出。拓：開顯。

※擬議躊躇：擬議：心中有疑，而揣度。躊躇：遲疑不決。

※向上（一著）：趨向本源之意。即能夠會歸於自性，第一義諦也。（糅合《金剛經講